

2019-imi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

Inatsisissatut siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Hermann Berthelsen, Siumut, siulittaasoq

Inatsisartunut ilaasortaq Múte Bourup Egede, Inuit Ataqatigiit, siulittaasup tullia

Inatsisartunut ilaasortaq Karl Kristian Kruse, Siumut

Inatsisartunut ilaasortaq Henrik Fleischer, Siumut

Inatsisartunut ilaasortaq Malene V. Rasmussen, Demokratit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Jens Napaattoq, Partii Naleraq

Ulloq 22. maj 2020-imi siullermeerinninnerup kingorna ataatsimiititaliap siunnersuut misissorpaa.

Imarisai

1.	<i>Aallaqqaasiut</i>	3
2.	<i>Ilassutitut aningaasaliissutininut inatsit</i>	4
2.1	Ilassutitut aningaasaliissutininut inatsisissatut siunnersuummik saqqummiussineq	4
2.2	Ilassutitut aningaasaliissutininut inatsisip imarisai	4
2.3	Aningaasaliissutinik allannguissamik qinnuteqaateqarnissamut piumasagaatit	4
2.4	Aningaasaliissutit iliuutsillu oqaasertaliussatigut aalajangersakkanik tunngavillit	5
2.5	Aningaasartuutininik isertitanillu nakkutilliineq	5
3.	<i>Naalakkersuisut 2019-imi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat</i>	6
4.	<i>2019-imi aningaasanut inatsit aamma 2019-imi ilassutitut aningaasaliissutininut inatsisissatut siunnersuut – kisitsisit pingaarnerit aningaasaleeriaatsinullu agguataarinerit</i>	7
4.1	Kisitsisit pingaarnerit aningaasanngorlugit	7
4.2	Ilassutitut aningaasaliissutit (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut	7
4.3	Naalakkersuisut oqaasertaliussamut innersuussillutik akuersissutigisaat	8
4.4	Aningaasaqarnermut Akileraartarnermullu Ataatsimiititaliamit akuersissutigineqartut	8
4.5	Inatsisartut Suleriaaseq pillugu Ataatsimiititaliaannit akuersissutigineqartut (suliassaqarfik 01)	9
5.	<i>Oqaasertaliussanik allannguinerit (inatsisissatut siunnersuummi § 2)</i>	9
6.	<i>Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai</i>	9
6.1	Ataatsimut isigalugu	9
6.2	Sulisorisat pillugit paasisutissat	9
7.	<i>Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat</i>	10
7.1	Nalinginnaasumik oqaaseqaatit	10
8.	<i>2019-imi aningaasaliissuteqarnissamik suliassanut oqaaseqaatit</i>	10
8.1	Tunngavik pingaarutilik	10
8.2	Ukioq aningaasanut inatsisip atuuffia	10
8.3	Pingaaruteqartuunissaannik sillimaffigereerneqarsinnaasimannnginnissaannillu inatsimmi piumasagaat	11
8.4	Missingersuutininut sunniuteqannginnissaq aningaasaqarnermillu aqutsineq	11
8.5	Oqaasertaliussat	11
8.6	Pissutsit allat	12
9.	<i>Aningaasaqarnermut Akileraartarnermullu Ataatsimiititaliap kaammattuutai</i>	12
	Kaammattuut nr. 1	12
	Kaammattuut nr. 2	12
	Kaammattuut nr. 3	13
10	<i>Aningaasaqarnermut Akileraartarnermullu Ataatsimiititaliap oqaaseqaatai:</i>	13
11.	<i>Aningaasaqarnermut Akileraartarnermullu Ataatsimiititaliap inassuteqaatai</i>	13

1. Aallaqqaasiut

2019-imi ilassutitut aningaasaliissutitut inatsisissatut siunnersuut Aningaasaqarnermut Aatsitassanullu Naalakkersuisumit Inatsisartut 2020-imi upernaakkut ataatsimiinneranni saqqummiunneqarpoq. Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik aappasaaneerinninnissaannut isumaliutissiissuteqarluni.

Nunatta karsiata naatsorsuutai, Sanaartugassanut Iluarsagassanullu Aningaasaateqarfik aammalu missingersuutitut ingerlaavartumik malitseqartitsissutit ilassutitut aningaasaliissutitut inatsit peqatigalugu tassaapput pisortat aningaasaqarnermik aqutsineranni naalakkersuinikkut tunngaviit pingaarutillit ilaat.

Pingaartumik aningaasaliissutitut allannguutit Naalakkersuisunit akuerineqartut ilassutitut aningaasaliissutitut inatsisikkut Inatsisartunut ilaasortanit tamanillu aatsaat ataatsimoortumik takuneqarsinnaalersarput. Taamaattumik Naalakkersuisut allanngugaat taakku aningaasaqar-nikkut annertuumik pingaaruteqarsinnaasut eqqortumik tunngaveqarluni pisimanersut nalilis-sallugu Aningaasaqarnermut Akileraartarnermullu Ataatsimiititaliaq – naggataatigullu Inatsisartut suliaasaqarput annikinngitsumik.

Aningaasaliissuteqarnissamik qinnuteqaatit Naalakkersuisunit ukiup siuliani tiguneqartut ilaat isumaliutissiissummi matumani Aningaasaqarnermut Akileraartarnermullu Ataatsimiititaliamit paasissutissiissutigineqarput. Aalajangiinerit tamarmiusut Inatsisartut nittartagaanni <http://inatsisartut.gl-ip> ataani ingerlaqqiffissiami ”Aningaasaqarnermut Ataatsimiititaliap aalajangigai”-ni pissarsiarineqarsinnaapput.

Isumaliutissiissut ima aaqqissugaavoq:

Isumaliutissiissutip matuma immikkoortuani 2-mi missingersuutit pillugit inatsimmi aalajanger-sakkat aammalu ilassutitut aningaasaliissutitut inatsisissatut siunnersuummik saqqummiussisar-nermut inatsisitigut tunngaviit ataatsimiititaliamit takussutissiissutigineqarput.

Aningaasanut inatsimmi 2019-imi angusassatut missingersuutigineqartumut sanilliullugu 2019-imi aalajangiinerit aningaasatigut kingunerisaat immikkoortuni 4-imi paasissutissiissutigine-qarput.

Oqaasertaliussanut aningaasanullu inatsimmi sillimmatitut kontoni 2019-imi allannguinerit immikkoortoq 5, 6 aamma 7-imi misissorneqarlutillu naliliiffigineqarput.

Inatsisissatut siunnersuummi ajornartorsiutit, kukkunerit amigaatillu immikkoortoq 8-mi nassuiaateqarfigineqarput.

Aningaasaliissuteqarnissamik suliaasanut 2019-imi Aningaasaqarnermut Akileraartarnermullu Ataatsimiititaliamit suliarineqartunut nalinginnaasumik oqaaseqaatit immikkoortoq 9-mi eqikkaavigineqarput.

Ataatsimiititaliaq immikkoortoq 10-imi inatsisissatut siunnersuummut arlalinnik kaammattuuteqarpoq.

Immikkoortoq 11-mi ataatsimiititaliaq inatsisissatut siunnersuummut nalinginnaasumik oqaaseqaateqarpoq kiisalu immikkoortoq 12-imi ataatsimiititaliap inatsisissatut siunnersuummut inassuteqaatai nalunaarneqarlutik.

Inatsisissatut siunnersuutip aappassaaneerneqarnissaanut taama oqaaseqarluni Aningaasaqarnermut Akileraartarnermullu Ataatsimiititaliaq matumuuna isumaliutissiissuteqarpoq.

2. Ilassutitut aningaasaliissutininut inatsit

2.1 Ilassutitut aningaasaliissutininut inatsisissatut siunnersuummik saqqummiussineq

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq Naalakkersuisut ilassutitut aningaasaliissutininut inatsisissatut siunnersuut kingusinnerpaamik ukiup aningaasanut inatsisip atuuffiata kingorna Inatsisartut ileqquusumik ataatsimiinnissaannut siullermut Inatsisartunut saqqummiuttassagaat. Taamaalilluni pineqartoq tassaavoq aningaasaliissutaareersunut inatsit, Suleriaaseq pillugu Ataatsimiititaliap aamma Aningaasaqarnermut Akileraartarnermullu Ataatsimiititaliap siusinnerusukkut aalajangigaannik aalajangersakkatigut tunngavissiisoq.

Aningaasaliissutaareersunut inatsisip pineqarnerata kingunerisaanik 2019-imi aningaasanut inatsit aamma 2019-imi ilassutitut aningaasaliissutininut inatsit katillutik aningaasaliissutit oqaasertaliussallu 2019-imi atuuttut suunerinik takussutissiisussaapput. Taamaalillutik aningaasaliissutit 2019-imi aningaasanut inatsimmi aamma 2019-imi ilassutitut aningaasaliissutininut inatsimmi ilaatinneqartut, taakkunungalugu ilanngullugit sanaartugassanut tunngasuni suliassanut aningaasaliissutit, Nunatta Karsiata 2019-imi naatsorsuutaanut aamma 2019-imi Sanaartugassanut Iluarsagassanullu Aningaasaateqarfik pillugu Nassuiaammut tunngaviupput. Nunatta Karsiata naatsorsuutai Sanaartornerlu pillugu Nassuiaat Inatsisartut upernaakkut ataatsimiinneranni nalinginnaasumik saqqummiunneqartarput.

2.2 Ilassutitut aningaasaliissutininut inatsisip imarisai

Ilassutitut aningaasaliissutininut inatsisip imarisarpaa inatsisip ileqqussat naapertorlugit oqaasertaa, ukunungalugu tunngasunik nalinginnaasumik marlunnik paragrafeqartartoq:

- *Namminersorlutik Oqartussat aningaasartuutissat isertitassallu* allannguutaat, (ilanngussaq 1), aamma
- *ændringer i tekstanmærkninger samt bemærkninger til tekstanmærkninger*, (ilanngussaq 2)

2.3 Aningaasaliissutinik allannguinnissamik qinnuteqaateqarnissamut piumasaqaatit

Missingersuusiordermut malittarisassami 2008-imeersumi aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat tassaassasut:

- *pingaarutillit*, aamma

- aningaasanut inatsisissap suliarinerani *sillimaffigereernejarsinnaasimannngitsunut* tunngasut.

Ulluinnarni periususartut naapertorlugit Aningaasaqarnermut Naalakkersuisoq Naalakkersuisut sinnerlugit aningaasaliissutit allangortinneqarnissaannik qinnuteqaammik Aningaasaqarnermut Akileraartarnermullu Ataatsimiititaliamut nassiussisarpoq. Pappialat atortussat nassiunneqartut kontonut pingaarnernut, aningaasaliissutinik allangortitsiffiginiarlugit qinnuteqaatigineqartunut, missingersuutitut ilanngussanik imaqartussaapput.

Taamaalilluni *allannguutissatut qinnuteqaatigineqartup nassuiarnerata tunngavilersuutitaatalu* suliap nalilersuiffiginissaanut naammattumik sukumiissuseqarnissaat pingaaruteqarpoq. Erseqqissarneqassaaq allannguutip aningaasanut inatsimmi tunngavissaatitaasunut naleqqiullugu ganoq ittuunera pingaarnerpaatinneqassammat.

2.4 Aningaasaliissutit iliuutsillu oqaasertaliussatigut aalajangersakkanik tunngavillit

Inatsisartut Naalakkersuisullu pillugit Inatsisartut inatsisaanni § 16, imm. 2-mi aalajangersarneqarpoq:

”Inatsisartut Aningasaqarnermut Ataatsimiititaliaata siunertanut aningaasartuutaasussat aningaasanut inatsisip akuersissutigineqarnerani siumut naatsorsuutigineqarsimannngitsut Inatsisarut sinnerlugit akuersissutigisinnaavai.”

Aalajangersakkakkut tassuuna ilaatigut erseqqissarneqarpoq aningaasartuutit aningaasanut inatsimmi tunngavissaatitaasunit allaasut Aningaasaqarnermut Akileraartarnermullu Ataatsimiititaliaq sioqqutsisumik akuersissuteqareersimatinnagu aningaasartuutigeqqusaanngitsut.

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq:

”Inatsisartut Aningasaqarnermut Ataatsimiititaliaata aningaasartuutissatut akuersissutai ukiu-moortumik ilassutitut aningaasaliissutinut inatsimmi, ukiumi aningaasanut inatsiseqarfiusumi tulliuttumi Inatsisartut ileqquusumik siullermeerlutik ataatsimiinneranni oqaluuserineqartussami, katersorneqassapput.”

2.5 Aningaasartuutinik isertitanillu nakkutilliineq

Missingersuutit pillugit inatsit naapertorlugu missingersuutit pillugit ilisimatitsissummik ataatsimik ukiumoortumik Inatsisartunut saqqummiussinissaq Naalakkersuisut taamaallaat pisussaaffigaat.

Naalakkersuinikkut killiliussat (Inatsisartunit akuerineqartut) aningaasanut inatsimmi erser-sinneqartut eqquutsinneqarnissaat missingersuutit pillugit ilisimatitsissuteqartarnermi siunertaavoq. Tamatuma saniatigut suliaasaqarfinni aningaasaliissutit atorneqarnissaat ilimagineqartinnagu imaluunniit suliaasaqarfinni aningaasaliissutit naammannngitsillugit missingersuutinik malitseqartitsineq iluarsiinissamut periarfissiisarpoq. Taamaattumillu missingersuutinik malitse-

qartitsineq ilassutitut aningaasaliissuteqarnissamik qinnuteqaatit ingerlaavartut Aningaasaqarnermut Akileraartarnermullu Ataatsimiititaliamit suliarineqarnerinut atatillugu sakkussaavoq pingaaruteqartoq.

Isertitat aningaasartuutillu aningaasanut inatsimmi tunngavissaatit malillugit ineriartorfiunerannik qulakkeerinninnissaq missingersuutininik malitseqartitsisarnerup ilaatigut siunertaraa. Missingersuutininik malitseqartitsisarnerup aamma siunertaraa paasissutissanik pissarsinissaq, taamaaliornikkut Naalakkersuisut, Inatsisartut inuiaqatigiillu Namminersorlutik Oqartussat aningaasaqarnerannik paasisaqartinneqaqqullugit, taamaalillunilu aamma aningaasartuutininik tullerriaarnermi tunngavissaqaqqullugu.

3. Naalakkersuisut 2019-imi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat

Aningaasaqarnermut Akileraartarnermullu Ataatsimiititaliap aningaasaleeriaatsit uku allanngortinneqarnissaat nalinginnaasumik suliarisarpaa:

- *Ingerlatsinerneq aningaasaliissutit*
- *tapiissutitut aningaasaliissutit, aamma*
- *sanaartornerneq aningaasaliissutit.*

Taakku avataatigut soorunami ilaapput oqaasertaliussat suliassallu allat, pissutsit immikkut ittut pissutigalugit Naalakkersuisut atugassiinissaminni ataatsimiititaliamut akueritittariaqarsimasaat. Aningaasanut inatsisip ukiuani 2019-imi aningaasaliissutininut sunniuteqartumik suliassat 38-simapput. Suliassaq ataaseq Inatsisartut Suleriaaseq pillugu Ataatsimiititaliaannit akuerineqarput suliassallu arfineq marluk Naalakkersuisunit akuerineqarlutik. Suliassaa ataaseq inassuteqaatinik Naalakkersuisunit akuerineqartussanik allanillu Aningaasaqarnermut Akileraartarnermullu Ataatsimiititaliamit akuerineqartussanik imaqaarsimavoq.

Qinnuteqaatit 34-t Aningaasaqarnermut Akileraartarnermullu Ataatsimiititaliamit 2019-imi suliarineqarsimapput, taakkunannga 30-t akuerineqarlutik, pingasut akuerineqanngitsut ataaserlu Naalakkersuisunit tunuartinneqartoq. 2019-imi ukiunilu siuliini suliat amerlassusiat takussutissiami ataaniittumi takuneqarsinnaavoq.

Ukioq	Suliat amerlassusiat
2014	31
2015	22
2016	39
2017	46
2018	40
2019	34

Takussutissiami takuneqarsinnaasutut ukiuni kingullerni pingasuni suliassat ataatsimiititaliamut nassiunneqartut ataatsimut isigalugu ikiliartorsimapput. Taama ineriartortoqarnera naammagisimaaramiuk taamatullu ingerlaannartoqarnissaa neriuutigigamiuk ataatsimiititaliap oqaatigissavaa.

4. 2019-imi aningaasanut inatsit aamma 2019-imi ilassutitut aningaasaliissutitut inatsisissatut siunnersuut – kisitsisit pingaarnerit aningaasaleeriaatsinullu agguataarinerit

4.1 Kisitsisit pingaarnerit aningaasanngorlugit

2019-imi aningaasanut inatsimmi aamma 2019-imi ilassutitut aningaasaliissutitut inatsisissatut siunnersuummi kisitsisit pingaarnerit aningaasanngorlugit takussutissiarineqarnerat 2019-imi ilassutitut aningaasaliissutitut inatsisissatut Naalakkersuisut siunnersuutaata danskisuuani quppernemi 21 aamma 22-imi kalaallisuuani quppernemi 22-mit 24-mut takuneqarsinnaapput, taakkulu innersuussutigineqarput.

Aningaasanut inatsimmi 2019-imoortumi IST-mi sinneqartooruteqarfissatut 12,1 mio. kr.-t missingiunneqarput. Inatsisartut Aningaasaqarnermut Akileraartarnermullu Ataatsimiititaliaata aamma Inatsisartut Suleriaasiannut Ataatsimiititaliap 2019-ip ingerlanerani ilassutitut aningaasaliissutitut katullugit tallimat akueraat, taamaalilluni IST-mi inernerussatut missingersuutit 55,5 mio. kr.-nik ajornerulersillugit. Ilassutitut aningaasaliissutitut inatsisissatut siunnersuut taamaalilluni ukiumut aningaasaqarfiusumut 2019-mut IST-mi 43,4 mio. kr.-nik amigartooruteqarfiuvoq.

2019-mut Aningaasanut inatsit IS-mi 7,2 mio. kr.-nik sinneqartooruteqarfissatut missingersuutaavoq. IS-imut missingersuutigineqartut inernerinut tunngatillugu taamaalillutillu aningaasaliissutitut taarsigassariartinneqartortaannik (T) ilaqartinnagit, taamaallaat ingerlatsinermut sanaartornermullu tunngasuullutik, taava ilassutitut aningaasaliissutitut akuersissutigineqartut IS-ip inerneranut missingersuutini 55,5 mio. kr.-nik ajorseriarnerannik kinguneqarput. Taamaalimmat Ilassutitut aningaasaliissutitut inatsisissatut siunnersuutip kingunerissavaa ukiumut aningaasaliiviusumut 2019-imut 48,3 mio. kr.-nik IS-imi amigartoorortoqarnissaanik missingersuusiorneq.

Matumani eqqaamasariaqarpoq angusassatut *missingersuutit* inaarutaasumillu *naatsorsuutitigut angusat* assigiinngimmata. 2019-imi inaarutaasumik naatsorsuutitigut angusat 2019-imi Nunatta Karsiata naatsorsuutaani takuneqarsinnaapput.

4.2 Ilassutitut aningaasaliissutitut (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut

Inatsisissatut siunnersuummi ilaapput ilassutitut aningaasaliissutitut ukuninnga akuersissutigineqartut

- Naalakkersuisunit, oqaasertaliussanik innersuussinikkut
- Aningaasaqarnermut Akileraartarnermullu Ataatsimiititaliamit

- Inatsisartunit/Inatsisartut Suleriaaseq pillugu Ataatsimiititaliaannit

Aningaasaliissutit allannguutaat aalajangersimasut *Aningaasaliissutininut takussutissiami, inatsisissatut siunnersuummi ilanngussaq 1-imi*, takuneqarsinnaapput. Allannguutit ataasiakkaat missingersuutininut ilanngussartaqarput, taakkunanilu allannguutit erseqqinnerusumik nassuiarneqarput. *Ilanngussaq 1-imi taamatullu missingersuutininut ilanngussani takuneqarsinnaassaaq* Aningaasaqarnermut Akileraartarnermullu Ataatsimiititaliaq Naalakkersuisulluunniit imaluunniit Inatsisartut Suleriaaseq pillugu Ataatsimiititaliaat aningaasaliissutinik allannguisoqar-nissaanik qanga akuersisimanersut suliarlu sorleq pineqarnersoq.

4.3 Naalakkersuisut oqaasertaliussamut innersuussillutik akuersissutigisaat

Oqaasertaliussat tunngavigalugit aningaasaliissutinik nuussinerit pingasut Naalakkersuisunit akuersissutigineqarput. Qinnuteqaat ataaseq inassuteqaatinik Naalakkersuisunit akuerineqartus-sanik allanillu Aningaasaqarnermut Akileraartarnermullu Ataatsimiititaliamit akuerineqartussanik imaqarsimavoq. Nuussinerit takku ataatsimut isigalugu ilanngaattissat ilanngaattigereerlugit missingersuutininut sunniuteqanngillat.

4.4 Aningaasaqarnermut Akileraartarnermullu Ataatsimiititaliamit akuersissutigineqartut

Ingerlatsinermut aningaasaliissutit

Ingerlatsinermut aningaasaliissutinik allannguinerit ilanngaattissat ilanngaattigereerlugit 31,960 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut ajorseriaat).

Tapiissutit aningaasaliissutit

Tapiissutit aningaasaliissutinik allannguinerit ilanngaattissat ilanngaattigereerlugit 569,254 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut ajorseriaat).

Aningaasaliissutit inatsisitigut pisussaaffigisat

Inatsisitigut pisussaaffigalugu aningaasaliissutinut allannguutit ilanngaattissat ilanngaattigereerlugit 0,0 mio. kr.-inik sunniutillit 2019-imi Aningaasaqarnermut Akileraartarnermullu Ataatsimiititaliamit akuerissutigineqarput. (Missingersuutininut sunniuteqanngilaq).

Sanaartugassanut aningaasaliissutit

Sanaartugassanut aningaasaliissutinik allannguissamik qinnuteqaatit ilanngaattissat ilanngaattigereerlugit 3,021 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput (Missingersuutitigut ajorseriaat).

Isertitassat aningaasaliissutit

Isertitassat aningaasaliissutinik allannguissamik Aningaasaqarnermut Akileraartarnermullu Ataatsimiititaliaq 2019-imi ilanngaattissat ilanngaatigereerlugit -549,044 mio. kr.-inik sunniuteqartussamik akuersissuteqarsimavoq (Missingersuutinut pitsanngoriaat).

4.5 Inatsisartut Suleriaaseq pillugu Ataatsimiititaliaannit akuersissutigineqartut (suliassaqarfik 01)

Ingerlatsineranut aningaasaliissutit

Ingerlatsineranut aningaasaliissutinik allannguinerit ilanngaattissat ilanngaatigereerlugit 300.000 kr.-inik nalillit Inatsisartut Suleriaaseq pillugu Ataatsimiititaliaannit akuersissutigineqartut. (Missingersuutitigut ajorseriaat).

5. Oqaasertaliussanik allannguinerit (inatsisissatut siunnersuummi § 2)

Oqaasertaliussat 4-t inatsisissatut siunnersuummi ilanngunneqartut. Oqaasertaliussat akuerineqartut taakku 2019-imi aningaasanut inatsimmi oqaasertaliussat taamaaqqataat taarserpaat/ilasuserpaat. Taakku 4-t Aningaasaqarnermut Akileraartarnermullu Ataatsimiititaliap akuersissuteqarnera tunngavigalugu ilanngunneqartut.

6. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai

6.1 Ataatsimut isigalugu

Aningaasanut inatsimmi oqaasertaliussat aammalu oqaasertaliussat, Aningaasaqarnermut Akileraartarnermullu Ataatsimiititaliamit kingusinnerusukkut akuersissutigineqartut 2019-imilu ilassutitut aningaasaliissutinut inatsimmi ilanngunneqartut naapertorlugit kontot pingaarnerit assigiinngitsut kiisalu sanaartorerup iluani suliassat akornanni nuussinissanut Naalakkersuisut piginnaatinneqartut.

Nuussinissat akuersissutigineqarsimatillugit aningaasaliissutinik allanngortitsinerit pinerit tamaasa inatsisissatut siunnersuummi aningaasaliissutinut takussutissiap, *ilanngussaq 1-ip*, immikkoortortaani (kolonne) ilanngunneqartarput. Missingersuutinut ilanngussani nuussinernut tunngavilersuutit aammalu Naalakkersuisut ulloq akuersissutiginniffiat allassimassapput. Kiisalu oqaasertaliussat, nuussinissamut tunngaviliisuusut pillugit paasissutissat nalunaarneqassapput.

6.2 Sulisorisat pillugit paasissutissat

Missingersuusiordernermut malittarisassami 2008-meersumi immikkoortoq 5.2 Aningaasaqarnermut Akileraartarnermullu Ataatsimiititaliamit innersuussutigineqassaaq, tassani sulisorisanut tunngatillugu paasissutissiissutigineqartussat pillugit malittarisassanik Naalakkersuisut aalajangersaapput.

7. Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat

7.1 Nalinginnaasumik oqaaseqaatit

Aallaqqaasiutigalugu isumaliutissiisummi immikkoortoq 3 innersuussutigineqarpoq, tassani suliat amerlassusiat, qinnuteqaatinik Aningaasaqarnermut Akileraartarnermullu Ataatsimiititaliap suliarinninnerata inerneru naapertorlugit agguataakkamik nalunaarsorneqarsimallutik.

Aalajangiinerni arlalinni ilassutitut paasissutissanik Naalakkersuisut ataatsimiititaliamit qinnuigineqarput. Taakku pisariaqarnera naapertorlugu aalajangiinerni ataasiakkaani aamma taaneqarput. Kiisalu aalajangiinini Inatsisartut nittartagaanni uani pissarsiarineqarsinnaasut ataatsimiititaliap innersuussutigissavaa: <http://inatsisartut.gl> Aningaasaqarnermut Ataatsimiititaliap aalajangigai.

8. 2019-imi aningaasaliissuteqarnissamik sulissanut oqaaseqaatit

Aningaasaliissuteqarnissamik sulissanut 2019-ip ingerlanerani ataatsimiititaliamut nassiunneqartunut ataatsimiititaliaq ima oqaaseqaateqassaaq.

Aalajangiinernit ilaat taakku arlallit aningaasaliissutinik allannguinerit aalajangersimasut kisiisa pinnagit aammali maleruagassanik atuineq pillugu tunngaviusumik isigineqartariaqartunik aamma imaqarput.

8.1 Tunngavik pingaarutilik

Aningaasaliisarnermi tunngavik pingaaruteqartoq tassaavoq aningaasaliissutinut inatsimmi Inatsisartunit akuerineqartumi tunngavissiisoqarsimatinnagu Namminersornerullutik Oqartussat aningaasartuuteqaqqusaannginnerat. Sanaartornermut kontot eqqaassanngikkaanni aningaasaliissutit konto pingaarnerit aqutitigalugit aningaasaliissutigineqartarput. Sanaartornermut kontoni aningaasaliissutit **sanaartugassanut ataasiakkaanut** aningaasaliissutigineqartarput.

8.2 Ukioq aningaasanut inatsisip atuuffia

Aningaasaliissutinut inatsit tassaavoq aningaasanut inatsit, ukiup aningaasaqarfiusup aallartinnera sioqqullugu akuerineqartoq nunattalu karsiata missingersuutaanik imaqartoq. Alla tassaavoq ilassutitut aningaasaliissutinut inatsit, aningaasanut inatsisip akuerineqarnerata kingorna aningaasaliissutit allannguutaannik imaqartoq.

Illassutitut aningaasaliissuteqarnissamik qinnuteqaatit aningaasanut inatsisip akuerineqarnerata kingorna ukiumut aningaasanut inatsisip atuuffianut sukkulluunniit atuuttumut atuuttusaanerata ataatsimiititaliamit Naalakkersuisunut eqqaasitsissutigineqassaaq. Taamaattumillu ilassutitut aningaasaliissuteqarnissamik qinnuteqaatit iliutusunut ukiumut aningaasanut inatsisip atuuffianut siulianut ukiumulluunniit aningaasanut inatsisip atuuffissaanut aggersumut tunngasuussanngillat.

Meeqqanut tarnimikkut nappaatilinnut ulloq unnuarlu paaqqinnittarfiup aammalu meeqqanut inuusuttunullu annertuumik innarluutilinnut paaqqinnittarfiup pilersarusiornissaannut kontumi

pingaarnermi 83.30.13-imi, Nuna tamakkerlugu paaqqinnittarfinnut tunngasumi, missinger-suutitut sunniuteqanngitsumik nuussinissaq – Suliaq nr. 01.31.06/19 – 00862 – pillugu ilassutitut aningaasaliissuteqarnissamik suliaq ataatsimiititaliamit ilaatigut innersuussutigineqassaaq.

Naalakkersuisut akissuteqarnissaasa, ukiup aningaasanut inatsiseqarfiusup naanerata kingorna aatsaat tiguneqartup, utaqqineqarnerat pissutigalugu suliassami tassani aalajangiinissani ataatsimiititaliap kinguartippaa. Taamaattumillu suliassaq taanna akuerineqartutut isigine-qarsinnaanngilaq.

8.3 Pingaaruteqartuunissaannik sillimaffigereerneqarsinnaasimanninnissaannillu inat-simmi piunasaqaat

Ukiumi qaangiuttumi aningaasaliissuteqarnissamik suliassat tunngavigalugit isumaqarnarpoq missingersuusiornermut malittarisassap 2008-imeersup utaqqineqarnissaata eqqaasitsissutigine-qarnissaa nalinginnaasumik pisariaqartinneqartoq. Aalajangersakkakut aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnis-saanik qinnuteqaatit taamaallaat aningaasaqarnikkut iliuusissanut *pingaarutilinnut* aammalu aningaasanut inatsisissap suliarinerani *sillimaffigereerneqarsinnaasimannngitsunut* tunngasuu-sassasut.

Iliuutsit aningaasanut inatsisissap suliarinerani *sillimaffigereerneqarsinnaasimanninnissaannik* tunngavimmut tunngatillugu taamaattoqarnerata ilassutitut aningaasaliissuteqarnissamik qinnuteqaammi ilimanarsisinneqarnissaa pingaaruteqarpoq.

8.4 Missingersuutitut sunniuteqannginnissaq aningaasaqarnermillu aqutsineq

Ingerlatsiviup naammaginatsumik aqqissuunneqarsimanissaa, tassungalu ilanngullugu Naalakkersuisoqarfiup pitsaasumik sunniuteqarluartumillu aningaasaqarnikkut aqutsivigi-neqarnissaa suliassaqarfinnut ataasiakkaanut akisussaasutut Naalakkersuisuusut qulak-kiigassaraat.

Missingersuutitik malitseqartitsinerup paasinarsisippagu atuinerussuteqarsinnaaneq aarleri-naateqartoq aningaasaliissutit eqqortinneqarnissaasa qulakkeerneqarnissaanut pisariaqartunik iliuuseqartoqassaaq imaluunniit ilassutitut aningaasaliissuteqarnissamik qinnuteqartoqassalluni. Tassunga atatillugu ukiup ingerlanerani aningaasaliissuteqarfigineqaqqinnissamik qinnuteqaatit Naalakkersuisoqarfiup suliassaqarfiata iluani suliassaqarfinni allani sipaaruteqarnissamik siunnersuummik ilaqartinneqassapput. Aningaasartuutit sillimaffigineqarsinnaasimannngitsut aningaasalersornissaannut ukiumut 10 mio. kr.-it konto pingaarnermi 20.11.50-imi, ingerlat-sinermt sillimmatitut tunngasumi, aningaasaliissutigineqartarput.

8.5 Oqaasertaliussat

Illassutitut aningaasaliissuteqarnissamik qinnuteqaatit piareersarlugit suliarineqarnerannut ata-tillugu oqaasertaliussani attuumassuteqartuni piginnaatitsissutaasimasinnaasut Naalakkersui-sunit eqqumaffigineqartarnissaat ataatsimiititaliamit kaammattuutigineqassaaq. Piginnaatitsis-summik tunniussisoqareersimappat piginnaatitsissutigineqartullu iluani iliuuseqartoqarpat

ilassutitut aningaasaliissuteqartoqarnissaanik qinnuteqarnissaq pisariaqanngilaq. Missingersuornermut malittarisassaq ataatsimiititaliamit innersuussutigineqassaaq, taanna malillugu suliasani oqaasertaliussaq aqputigalugu nuussinissamik akuersinissamut Naalackersuisut piginnaatinnearfianni suliasamik Aningaasaqarnermut Ataatsimiititaliamut nassiussisoqassanngilaq.

8.6 Pissutsit allat

Ilassutitut aningaasaliissuteqarnissamik qinnuteqaatinut atatillugu suliasamik allaaserinninnerminni peqqissaarussinerunissaat ataatsimiititaliap Naalackersuisunut nalinginnaasumik kaammattuutigissavaa. Taamaaliornikkut aalajangiinissamut naammattumik tunngavissaqannginnetq pissutigalugu suliasanik isummerfiginninnissaminik ataatsimiititaliap kinguartitsisariaqarnera annikillisissinnaavaa.

Ilaatigut suliaq nr. 01.31.06/19 – 00849-mut, ataatsimiititaliamit akuerineqassanngitsutut toqqarneqartumut, aalajangiinnermini oqaaseqaatini ataatsimiititaliap innersuussutigissavai.

9. Aningaasaqarnermut Akileraartarnermullu Ataatsimiititaliap kaammattuutai

Siunnersuutip matuma Inatsisartunit siullermeerneqarnera tunngavigalugu Naalackersuisunut ima **kaammattuuteqarnissaq** pissutissaqartoq Aningaasaqarnermut Akileraartarnermullu Ataatsimiititaliap isumaqarpoq:

Kaammattuut nr. 1

Sanaartornermut aningaasaliissutit siunertanut aalajangersimasunut qanoq sukkanerusumik atugassiissutigineqarsinnaanerit aammalu suliasat assigiinngitsut sukkanerusumik qanoq naammassineqarsinnaanerit isumaliutigeqqullugu Aningaasaqarnermut Akileraartarnermullu Ataatsimiititaliap Naalackersuisunut **kaammattuutigaa**. Tamatuma saniatigut suliasanut aningaasaliussat Sanaartugassanut Iluarsagassanullu Aningaasaateqarfimmit utertitat nunap immikkoortuini, suliffissanik annertuumik pisariaqartitsisuni, allatut atorineqarsinnaanerit Naalackersuisunit eqqumaffigineqartariaqarpoq.

Kaammattuut nr. 2

Ilassutitut aningaasaliissutit pillugit missingersuutitut inatsimmi aammalu missingersuornermi malittarisassami aalajangersakkanik atuinnermini Naalackersuisut nalinginnaasumik peqqissaartumik atuinissaat Aningaasaqarnermut Akileraartarnermullu Ataatsimiititaliamit **kaammattuutigineqarpoq**.

Suliaq nr. 01.31.06/19-00855-imi aalajangiinnermini oqaaseqaatini annertuut ataatsimiititaliap innersuussutigissavai. Peqqinnissaqarfiup kontuinit pingaarnertut Napparsimasut nunani allani katsorsarneqartarnerat, timikkut nappaatinut; Dronning Ingridip Napparsimavissuanut aamma Nunap immikkoortuini peqqinnissaqarfiit, nakorsanit sullinneqarnermut ilassutitut aningaasaliissutinik qinnuteqaat. Suliarli suliamut tunngatillugu ajornartorsiutit aammalu ukiuni kingullerni ilassutitut aningaasaliissuteqarnissamik qinnuteqaatinut taamaattunut tunuliaqutaasut pillugit pissarsiffiulluurtumik siunersuuinissamut tunngavissiivoq.

Kaammattuut nr. 3

Qupperneq 5-imi takussutissiami takuneqarsinnaasutut suliasat ukiuni kingullerni pingasuni ataatsimiititaliamut suliasanngorlugit nassiunneqartut ataatsimut isigalugu amerliartorsimapput. Naalakkersuisut aningaasaliissuteqarnissamik suliasanik sapinngisamik ikilisaanissaat ataatsimiititaliamit **kaammattuutigineqarpoq.**

10 Aningaasaqarnermut Akileraartarnermullu Ataatsimiititaliap oqaaseqaatai:

Aningaasaqarnermut Akilerartarnermullu Ataatsimiititaliaq allanik oqaaseqaatissaqanngilaq.

11. Aningaasaqarnermut Akileraartarnermullu Ataatsimiititaliap inassuteqaatai

Siuliani allassimasut tunngavigalugit **siunnersuut akuerineqassasoq ataatsimiititaliap isumaqatigiittup inassutigaa.**

Taama oqaaseqarluni Inatsisartut Aningaasaqarnermut Akileraartarnermullu Ataatsimiititaliaata 2019-imi ilassutitut aningaasaliissutitut inatsisissatut siunnersuut aappasaaniigassanngortippaa.



Hermann Berthelsen,
formand



Peter Olsen



Karl Kristian Kruse



Henrik Fleischer



Malene V. Rasmussen



Múte Bourup Egede



Jens Napaattooq